

Միթե՞ այդպես կարելի է վերաբերոել դեպի մի սրբութիւն, մտածում էի ես: Նա դատում էր զրթի մասին միայն արհեստի կետից:

Երբ դուրս եկանք ժամատան բակը, վանահայրը հրաւիրեց մեզ իր խուցը: Ասլանը գնաց, բայց ես չգնացի:

Այդ միջոցին պատահեց Բերգէն-օղլին, որ ինձ տարաւ եւ բաւական ման ածեց կղզու մէջ:

Ճաշից յետոյ փոթորիկը համարեա թէ դադարել էր. կատաղի ծովը աւելի հանդարտ էր, կուտակոած ամպերը ցրիւ էին եկած, եւ արեգակը դարձեալ լուսաւորում էր իր պայծառ ճառագայթներով: Ես եւ Նաւաստին երկար շրջում էինք ապառաժոտ կղզու վրայ, եւ Նա ինձ ցոյց էր տալիս այս եւ այն տեղերը, որոնց հետ կապոած էին ամբողջ աւանդութիւններ: Կղզին բոլորովին մերկ էր եւ ցամաք. բացի դեղին եւ Նարնջագոյն անթառամ ծաղիկներից եւ անտերեւ աւելուկներից, մի այլ դալար բոյս չէինք տեսնում: Նրա բնակիչները հոգ չէին տարել մի քանի ծառեր անգամ տնկել այստեղ: Այդ կղզին կատարեալ դրախտ կարելի էր դարձնել, որովհետեւ ջրի աղբիւրներ կային: Գոնէ իրանց համար հոգ տանէին ճգնաւորները, չէ՞ որ Նրանցից շատերը կերակրւում էին միայն բոյսերով, իսկ այդ անապատը բոլորովին զուրկ էր բուսականութիւնից:

Ոչ ոք չէր երեւում: Կարծես թռչուններն անգամ փախել էին այստեղից: Միայն հեռոցից Նշմարեցինք մի կիսամերկ անձնաւորութիւն, խառնոած մօրութով եւ գլխի մագերով: Նա երկչոտ կերպով Նայեց մեզ վրայ, յետոյ, երկու ձեռքով աչքերը պինդ բռնելով, սկսեց փախչել եւ շուտով անայտացաւ ժայռերի մէջ:

— Ո՞վ էր Նա, — հարցրի Նաւաստիից:

— Ճգնաւոր էր, — պատասխանեց Նա մի առանձին ջերմեռանդութեամբ:

Մենք այլեւս հեռու չգնացինք, չկամենալով խանգարել Նրանց հանգստութիւնը:

— Ինչո՞ւ փախաւ Նա, երբ որ մեզ տեսաւ, — դարձեալ հարցրի ես Նաւաստիից:

— Մեղաւոր մարդու երեսը Նրանք չեն ուզում տեսնել, — պատասխանեց Նաւաստին:

Ես, ուղիղն ասած, եթէ ոչ երկիւղ, բայց մի անբացատրելի թախիծ ու տրտմութիւն էի զգում այդ մարդկանց հանդիպելիս, այդ էր պատճառը, որ